

**Мақсуд Шайхзода номидаги махсус стипендия
ва кўкрак нишони тўғрисида
НИЗОМ**

I боб. Умумий қоидалар

1. Мазкур Низом Тошкент давлат транспорт университети (кейинги ўринларда – Университет) талабаларига Мақсуд Шайхзода номидаги махсус стипендия (кейинги ўринларда – махсус стипендия) тайинлаш ва тўлаш, шунингдек, Мақсуд Шайхзода номидаги кўкрак нишони (кейинги ўринларда – кўкрак нишони) билан тақдирлаш тартибини белгилайди.

2. Махсус стипендия ва кўкрак нишони Мақсуд Шайхзода ҳаёти ва ижодини ўрганиш, фаолиятини ёритиш, илмий тадқиқ қилиш ҳамда тарғиб этиш йўналишида изланиш олиб бораётган, алоҳида фаоллик кўрсатган профессор-ўқитувчи ва талабаларни рағбатлантириш мақсадида таъсис этилади.

3. Мазкур Низом Ўзбекистон Республикаси Вазирлар Маҳкамасининг 2020 йил 24 августдаги 502-сон қарори ҳамда Транспорт вазирлигининг 2020 йил 7 сентябрдаги 173-сон буйруқлари асосида ишлаб чиқилган.

**II боб. Мақсуд Шайхзода номидаги махсус стипендияни
тайинлаш тартиби ва мезонлари**

3. Махсус стипендия Университетнинг факультетлар сонидан келиб чиқиб, ҳар бир факультет бўйича биттадан алоҳида-алоҳида ажратилади.

4. Махсус стипендия куйидаги мезонларга жавоб берадиган университетнинг кундузги таълим шаклида таҳсил олаётган бакалавриятининг 1-3-босқич талабаларига берилади:

- махсус стипендия Мақсуд Шайхзоданинг ҳаёти ва ижодини ўрганиш, фаолиятини ёритиш, илмий тадқиқ қилиш ва тарғиб этиш йўналишида изланиш олиб бориш;

- адабиёт ва китобхонликни кенг тарғиб қилиш йўналишида алоҳида фаоллик кўрсатиш;

- адабиёт ва китобхонликка доир конференцияларда (танловларда) қатнашиш;

- нашр этилган ишларнинг (асарларнинг) мавжудлиги.

5. Махсус стипендия тайинланишида талабгорларнинг ушбу низомнинг 4-бандида белгиланган мезонларга мувофиқ билим ва ижодий тайёргарлик даражасини синовдан ўтказиш мақсадида:

махсус стипендияга талабгорлар орасидан танлаб олиш учун таълим йўналишлари ва адабиёт соҳасидаги мутахассислардан иборат танлов комиссияси (кейинги ўринларда - Танлов комиссияси) тузилади ва унинг иш тартиби белгиланади;

Мақсуд Шайхзода ҳаёти ва ижоди бўйича тест синовлари (кейинги ўринларда - тест синови) саволлари тайёрланади.

6. Талабгорлар дастлабки кўриб чиқиш учун факультет илмий кенгашига ҳар йили 20 мартга қадар қуйидаги ҳужжатларни топширадilar:

- синов дафтарчасидан кўчирма (ўзлаштириш курсаткичи);
- кафедра тавсияномаси;
- ижодий (илмий) иш, унинг аннотацияси ва тақриз (мавжуд бўлса); мураббий (тьютор)нинг фикр-мулоҳазалари;

- адиб ҳаёти ва ижоди ҳамда фаолияти (оммавий ахборот воситаларида, ижтимоий тармоқларда ва бошқа) тарғиботи бўйича материаллар;

- адиб ҳаёти ва ижодини, фаолиятини тадқиқ қилиш бўйича республика ва халқаро миқёсдаги журналларда чоп этилган яқка муаллифликдаги илмий мақолалар, ўтказилган анжуманлардаги фаол иштирокини тасдиқловчи ҳужжат (асл нусхаси);

- ўз соҳаси бўйича халқаро ёки республика миқёсидаги кўргазма, биеналле, фестиваль, симпозиум, танлов ва бошқа нуфузли тадбирлардаги иштироки ва натижаларга эришганлиги (мавжуд бўлса) тўғрисида тасдиқловчи ҳужжат.

7. Барча ҳужжатлар икки нусхада, ҳар бир нусхаси алоҳида жилдга жойланган ҳолда тақдим қилинади. Ҳар бир жилд муқовасида тақдим қилаётган факультетнинг номи, талабгорнинг исми ва фамилияси, ишнинг номи кўрсатилган бўлади.

8. Факультет илмий кенгаши ҳар йили 31 мартга қадар талабгорлар томонидан тақдим этилган ҳужжатларни кўриб чиқиб, махсус стипендияга номзодларни тавсия этиш, номзодликка талабгорларнинг ўқишдаги ва ижодий (илмий) фаолиятидаги муваффақиятларини баҳолаш учун муҳокамага қўяди.

9. Муҳокамадан сўнг яширин овоз бериш йўли билан энг муносиб талабгорлар танлаб олинади. Бунда талабгор ва унинг иши учун овоз беришда иштирок этган кенгаш аъзоларининг учдан икки қисмидан ортиғи овоз берганда, номзод талабалар маъқулланган ҳисобланади ва уларнинг номзодини факультет илмий кенгаши Танлов комиссиясига киритиш мақсадида факультет деканатига тақдим этади.

10. Факультет деканати ҳар йили 10 апрелга қадар номзодларнинг ҳужжатларини Танлов комиссиясига тақдим этади.

11. Танлов комиссияси:

- ҳар йили 20 апрелга қадар талабгорлар билан тест синови ҳамда суҳбат ўтказилади;

- ҳар йили 25 апрелга қадар номзодларнинг сўнги танловини яширин овоз бериш йўли билан ташкил этади, бунда талабгор ва унинг иши учун овоз беришда иштирок этган комиссия аъзоларининг учдан икки қисми ёқлаб овоз берганда, ушбу номзодни махсус стипендия тайинлаш учун тавсия қилади;

- ҳар йили 27 апрелга қадар махсус стипендия тайинлаш учун тавсия этиш тўғрисидаги қарорни университет кенгашига тақдим этади.

12. Танлов комиссиясининг махсус стипендияни тайинлаш тўғрисидаги қарори асосида ҳар йили 30 апрелга қадар университет кенгашининг қарори қабул қилинади.

Университет кенгашининг махсус стипендияни тайинлаш тўғрисидаги қарори ректор буйруғи асосида кучга қиради.

13. Махсус стипендияга сазовор бўлган талабаларга ҳар йили 20 майга қадар “Мақсуд Шайхзода номидаги махсус стипендия совриндори” гувоҳномаси (кейинги ўринларда – гувоҳнома).

14. Махсус стипендия талабаларга ҳар йили, бир ўқув йили учун 1 сентябрдан бошлаб белгиланган миқдорга қатъий риоя қилинган ҳолда тайинланади.

Махсус стипендия миқдори Вазирлар Маҳкамасининг 2020 йил 31 январдаги 59-сон қарори 2-иловасининг 2-бандига мувофиқ белгиланади.

15. Талаба ўқишини бошқа олий таълим муассасасига кўчирганда ёки академик таътил олганда махсус стипендия тўланмайди. 4-босқич талабаларига махсус стипендия ўқиган даври учун тўланади.

III боб. Мақсуд Шайхзода номидаги кўкрак нишони билан тақдирлаш тартиби

16. Кўкрак нишони билан университетда маданият ва маърифат соҳасини ривожлантириш, Мақсуд Шайхзода ҳаёти ва ижодини чуқур ўрганиш ҳамда аҳоли ўртасида, шунингдек, дунё миқёсида кенг тарғиб қилиш борасида юқори натижаларга эришган университетнинг профессор-ўқитувчилари ва талабалари тақдирланади.

Кўкрак нишони билан ушбу низомга мувофиқ университет ректори тақдирлайди.

17. Кўкрак нишони билан тақдирлаш учун номзодларни танлаш ва тайинлаш бўйича ишчи гуруҳ (кейинги ўринларда - ишчи гуруҳ) тузилади.

Ишчи гуруҳ таркибига адабиётшунос олим ва мутахассислар, шунингдек, фуқаролик жамияти институти вакиллари киритилади. Ишчи гуруҳ таркиби университет ректори томонидан тасдиқланади.

18. Ишчи гуруҳ Низомга мувофиқ кўкрак нишонига тавсия этилган номзодлар ҳужжатларининг ҳолис ва адолатли кўриб чиқилиши учун масъул.

Кўкрак нишони факультетлар сонидан келиб чиқиб, ҳар бир факультет бўйича биттадан ажратилади.

19. Университет таркибий бўлинмалари ва тегишлилиги бўйича факультет деканатлари кўкрак нишони билан тақдирлаш бўйича таклифларни Ёшлар билан ишлаш, маънавият ва маърифат бўлимига ҳар йили 1 апрелга қадар тақдим этади.

20. Ёшлар билан ишлаш, маънавият ва маърифат бўлими номзодлар бўйича таклифларни белгиланган тартибда кўриб чиқади ҳамда ҳар йили 20 апрелга қадар университет ишчи гуруҳига тақдим этади.

21. Кўкрак нишонига тавсия этилган номзодларни кўриб чиқиш бўйича ишчи гуруҳ йиғилишида номзодларнинг ҳужжатлари ўрганилиб, ҳар йили 1 майга қадар энг муносиб номзодлар тўғрисида якуний хулоса қабул қилинади ҳамда университет ректорига тақдим этилади.

22. Университет ректорининг кўкрак нишони билан тақдирлаш тўғрисидаги буйруғи ҳар йили 8 майга қадар чиқарилади.

23. Кўкрак нишони ва унинг гувоҳномаси ҳар йили 20 майга қадар университет ректори томонидан тантанали равишда топширилади.

24. Кўкрак нишони билан тақдирланган профессор-ўқитувчи ёки талабаларга базавий ҳисоблаш миқдорининг уч баравари миқдорида бир марта тўланадиган пул мукофоти берилади.

Бир марта тўланадиган пул мукофотлари университетнинг бюджетдан ташқари маблағлари ҳисобидан (ўқитишнинг базавий қиймати миқдоридан ошадиган қисмида тўлов-контракт асосида ўқишдан тушадиган тушумлар) ички имкониятларидан келиб чиқиб молиялаштирилади.

25. Бир шахс кўкрак нишони билан бир марта мукофотланади.

26. Кўкрак нишони давлат мукофотларидан кейин кўкракнинг чап томонига тақилади.

IV боб. Кўкрак нишонининг тавсифи

27. Кўкрак нишони 0,25 микрон қалинликда олтин рангли мис қотишмасидан тайёрланади ва диаметри 34 миллиметрли доира шаклида бўлади.

28. Кўкрак нишонининг марказида Мақсуд Шайхзода қиёфаси акс эттирилади. Кўкрак нишонининг айланаси бўйлаб, юқори қисмида оқ эмаль фонида Мақсуд Шайхзода сўзи ёзилади. Айлананинг куйи қисмида адиб қаламига мансуб ҳикматли сўз жойлаштирилиши мумкин. Ҳарфлар баландлиги - 2,2 миллиметр.

29. Кўкрак нишонининг орқа томонида Ўзбекистон Республикаси Давлат герби тасвирланади.

Кўкрак нишонининг қалинлиги - 3 миллиметр.

Ёзув ва тасвирлар - буюртма.

Кўкрак нишонининг олд ва орқа томонларининг четлари қабарик доира билан ўралган бўлади.

30. Кўкрак нишони илмоқ ва ҳалқа ёрдамида беш қиррали қадагичга уланади.

31. Қадагичнинг орқа томонига кўкрак нишонини кийимга тақиб қўйиш учун тўғноғич кўринишидаги мослама ўрнатилади.

32. Кўкрак нишонининг тавсифи Олий ва ўрта махсус таълим вазирлиги билан келишилган ҳолда университет томонидан тасдиқланади.

V боб. Яқунловчи қоидалар

33. Қундалиқ дарсларни ўзлаштирмайдиган, ўқув интизомини ва одоб-ахлоқни бузган талабаларни ўқув йили мобайнида факультет кенгашининг тавсиясига биноан университет ректори буйруғи асосида махсус стипендиядан маҳрум қилиниши мумкин.

34. Махсус стипендия ва кўкрак нишони билан тақдирлаш бўйича ариза ва шикоятлар қонун ҳужжатларида белгиланган тартибда кўриб чиқилади.